

"Мемлекеттік әлеуметтік сақтандыру қоры" акционерлік қоғамының қаржылық орнықтылығын қамтамасыз ететін нормалар мен лимиттерді белгілеу туралы

Қазақстан Республикасы Үкіметінің 2023 жылғы 15 маусымдағы № 474 қаулысы.

Қазақстан Республикасының Әлеуметтік кодексі 11-бабының 4) тармақшасына сәйкес Қазақстан Республикасының Үкіметі **ҚАУЛЫ ЕТЕДІ:**

1. "Мемлекеттік әлеуметтік сақтандыру қоры" акционерлік қоғамының (бұдан әрі – Қор) қаржылық орнықтылығын қамтамасыз ететін мынадай нормалар мен лимиттер:

Қор резервінің есепті жылдан кейінгі жылдың 1 қаңтарына есептелетін ең төмен мөлшері провизия мөлшерінің кемінде он пайызы мөлшерінде. Қор қызметінің нәтижесінде болуы мүмкін тәуекелдерді жабу үшін қалыптастырылатын және оның қаржылық орнықтылығын қамтамасыз ететін Қор резерві Қордың активтері мен провизиясының айырмасы ретінде айқындалады;

есепті айдан кейінгі айдың басындағы операциялық ақша қалдығының ай сайынғы ең төменгі мөлшері Қазақстан Республикасының Әлеуметтік кодексінде көзделген әлеуметтік төлемдер сомасының 0,5 еселенген мөлшерінде есепті айдың алдындағы ай үшін Қазақстан Республикасының Ұлттық Банкінде ашылған инвестициялық шотта қамтамасыз етіледі.

Ескерту. 1-тармаққа өзгерістер енгізілді - ҚР Үкіметінің 15.03.2025 № 149 (алғашқы ресми жарияланған күнінен кейін күнтізбелік он күн өткен соң қолданысқа енгізіледі); 25.06.2026 № 546 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулыларымен.

2. Қор провизияларды Қордан алушыларға төленетін болашақ әлеуметтік төлемдердің келтірілген құны ретінде актуарийлік есеп-қисаптарды пайдалана отырып, жыл сайын айқындайды.

3. Осы қаулы 2023 жылғы 1 шілдеден бастап қолданысқа енгізіледі.

Қазақстан Республикасының
Премьер-Министрі

Ә. Смайылов